


DISPUTATIO JURIDICA  
 De  
 ACTIONE  
 Ad  
 ΠΑΛΙΝΟΔΙΑΝ,



Quam  
 Divinò fretus auxilio  
 consentiente

*Amplissimo ac Nobilissimo Jctorum Ordine in illustri ad  
 A. M. A. demia Walchbergensi  
 SUB PRÆSIDIO*

*VIRI NOBILISSIMI, AMPLISSIMI, CONSULTISSIMI,  
 EXCELLENTISSIMI*

DN. MICHAELIS FRIDERICI  
 LEDERERI,

Jcti & Antecessoris hujus Academiae Celeberrimi, Curiae  
 Electoralis, Scabinatus & Facultatis Juridicae Assessoris  
 longe gravissimi  
 h. r.


DECANI SPECTATISSIMI,

*Dni Praeceptoris, Patroni atq. Promotoris sui nullo non tempore  
 aerevandi & colendi,  
 Publicè ventilandam exhibet*

BALTHASAR Friedrich Buchhauser /

Königslein. Mœnicus.  
 Ad diem 15. Maji

In Auditorio Jctorum.



Literis MICHAELIS MEYERI, An. M. DC. LXXII,

THE  
MAYNARD

THE MAYNARD  
THE MAYNARD

THE MAYNARD  
THE MAYNARD

THE MAYNARD  
THE MAYNARD

THE MAYNARD  
THE MAYNARD

THE MAYNARD  
THE MAYNARD

THE MAYNARD  
THE MAYNARD

Q. D. B. V.

I.

**C** Riminibus, quæ inter homines  
hodiernò præprimis seculò suâ notari me-  
rentur frequentia, Injuria non postremo  
assignanda loco. Ab illis æquidem, quæ  
corporalis vel corporis afflictiva pœna  
perpetuo committatur, ut abstineant homines delictis, ri-  
gor supplicii operari videtur. Injurias verò evomere ea-  
propter pleriq; non verentur, quod id vel impunè peni-  
tus relinqvatur, vel leviori saltē pœnæ subjiçiat. Neq;  
enim istiusmodi damnum ab ipsis illatum videtur, quod  
in oculos protinus incurrit, &, ut aliquem ea revera læ-  
sum, constare possit, efficit. Nondum enim omnibus  
ea opinio impressa, bonam probi Viri existimationem  
alterius malevoli præprimis, arbitrio relictam. Non ta-  
men vicissim desunt, qui famam suam convitiis ab aliò  
eructatis irreparabilem pati jacturam sibi habent persua-  
sum. Tempestivè igitur vigilandum, omnisq; ad repel-  
lenda vindicandæ ea lapis movendus. Nec quicquam  
interesse putant nonnulli, remedia licita an illicita natu-  
ra sua adhibeantur, modò injuria reprimatur, eaq; affe-  
cti prospiciatur affectibus.

II. Fatendum omnino, exigere communem hominum dilectionem, & quâ illa præ cæteris nititur, publicæ rei salutem, ut compescatur illibata aliorum fama insultantium protervia. Magis interea cautiusq; prospiciendum inani & falso præconceptæ inculi vulgi persuasioni, quæ illatis injuriis auferri aut periculo minimum exponi intemeratam alicujus famam sibi imaginantur. Inducta ea fini remedia expressa partim Legislatoris sanctione, partim usu moribusve, quibus eximenda iterum opinio animo jam semel infixæ. Et si quis injuria se lacescitum la sumq; putet, electio ipsi civili an criminali judicio ad coercendam injuriantis pruriginem uti malit. Nec minus, si civilem elegerit actionem, in arbitrio ipsius situm, quantumq; injuriam sibi illatam velit æstimare. Interim judiciali moderationi æstimationem submittere, & illam deinceps quantitatem juramenti religione confirmare necesse habet. Quod si verò criminaliter agere satius duxerit, itidem optioni ipsius reservatum, an pro atrocitate vel levitate injuriæ poenam corporalem vel corporis inflictivam an verò pecuniariam sisco assignandam agere velit.

III. Sed enim cum hæc remedia jure Romano expressim inducta atq;ve cognita sint, de illis eorumq; justitia nil quicquam licet dubitare. Alia adhuc super est actio, quæ Romanorum juri incognita planè ac moribus demum inducta, de quâ Dei adjutorio pauca compilare animo sedet. Neque verò in dubium quis temerè vocabit moribus ritè receptis tantam efficaciam tribuendam, quanta alioquin jus expressa sanctum voluntate pollere asoleat. Sicut enim omne jus aut consensus facit, aut

neces-



necessitas constituit, aut firmavit consuetudo. *l. 70. w. de LL.* Ita & consuetudinis non secus ac iurum per, etuo si-  
militer iudicatarum auctoritas vim legis obtinet. *l. 38. w. cod.* Et imò consuetudini tanta vis assignata, ut leges non solum suffragio Legislatoris expresso, sed et eà ipsa si contraria sit, abrogari possint. *L. 32. §. 1. cod.* Eapropter tacito populi *consensu* gaudentis consensui eadem auctoritas assignatur, quæ legibus latis ab omni-  
bus aservanda, quibus eadem præscriptæ. Quidni igitur moribus ac inveterata consuetudine actio æquè indu-  
ei poterit, ac expressâ legali sanctione?

IV. Certè pacto in nudis placitis termini subsisten-  
tiam efficaciam, quæ ad producendam actionem neces-  
saria, transcribere lex Romana noluit. Sed ab eà divor-  
tium fecerunt mores hodierni, quibus revocata juris na-  
turæ simplicitas. Huic equidem uti lex civilis suam ex ex-  
terna & civili ratione ante denegavit assilientiam, sic mo-  
ribus deinceps ex quolibet pacto efficax obligatio ac actio  
prodire coepit. *Heinr. Hahn. ad Wesemb. de pactis n. 9. in  
verbis non stricti juris.* Struv. *exer. 6. sb. 27.* Carpz. *Juriss.  
ser. p. 2. const. 19. def. 17.* Nec minus lex Romana pacta de  
futura viventis adhuc successione seu obtinenda seu con-  
servanda seu deniq; repudianda vel omittenda hæreditate  
improbat, fortè quod illa contineat votum captandæ mor-  
tis plenum tristissimè periculosiq; eventus, aut auferant  
facultatem testandi publicâ auctoritate concessam *L. fin.  
C. de pact.* *Heinr. Zoef. ad Wesemb. de pactis n. 21. & seq.* *Arnold.  
Vin. de pact. c. 19. n. 13.* *Jacob. Maister. de iustitia leg. Ro-  
man. lib. 1. dub. 41.* Moribus tamen deinceps inductum,  
ut de hæreditate acquirenda, conservanda, imò & renun-  
cianda pacisci liceat. *Dn. Struv. Syn. jur. civ. exer. 6. sb. 44.  
& exer. Feud. 7. sb. 5.*

V. Lex certè Romana Militibus pacta de mutua  
successione in eundem potestatem ex peculiari concessit fa-  
vorem *l. 19. C. de pact.* Quid itaque obest, quin consuetudine,  
quæ legi ratione auctoritatis minimè cedit, induci possit,  
ut pacta de succedendò in universum sint valida. Joh.  
Gœdd. *de contrab. stip. c. 6. conclus. 7. it. Gail. lib. 2. obs. 14.*  
*§ 127. Heinr. Zoëf. cons. ad dig. de pact. n. 34.* Certum ita-  
que tantam moris inveterati efficaciam, ut illis negotiis,  
quæ jure alioquin Romano civili efficaciâ destituta, vim  
productivam obligationis conferre, nec eos minus actus,  
qui eodem invalidi, validos reddere valeat. Quidni in in-  
juriarum quoque delicto actio legi civili antea incognita  
consuetudine induci poterit? Et hanc igitur originem a-  
gnoscat actio nostra ad *παλινodiaς* ut ut ea impofterum in  
Ordin. Cam. Imperiali *p. 2. c. 28. §.* und sonderlich sehen/  
confirmata sit. Cæteroquin jure Romano ea nullibi di-  
rectò fundata reperitur, fortè quod Romani adeò vili non  
pensarunt auream famæ ac existimationis illæz condi-  
tionem, ut eam æstuantibus male feriat hominis affecti-  
bus subjectam, aut ullam exprolatis convitiis pati jactu-  
ram crediderint. Posteaquam verò homines ventosam  
hanc adeò imbiberunt opinionem, ut citius clavum Her-  
culis manu eripere, quam eam animis eradicare valeas,  
publica salus exigere vidèbatur, ut huic quoque publico  
fieret satis remedio.

VI. Interea nolim de omnibus universe id ferre  
judicium: Cordatiores equidem in abstrusiori longe loco  
inæstimabilem boni nominis thesaurum reconditum  
censent, quam ut erui is aut violari à quovis privato pos-  
sit molimine. Rudi tantum plebi, cui ut plurimum pro ra-  
tione

tione impetus, aliquid condonandum. Ea quippe eò de-  
 lapsa vesania, ut juxta vulgatum illud, calumniare auda-  
 cter, semper aliquid haret, non prius abstergi credant  
 convitia, quam si ea in fontem, ex quo profuxerunt, deri-  
 vata vicissim impurissimum. Ex civili itaq; conniventia  
 ea actio tolerata initio, & moribus pededentim approba-  
 ta, quæ plebejo tandem conceptui consulere videbatur.  
 Tunc equidem demum sibi prospectum satis putabant ex  
 vulgi ordine, si in eum, à quo eadem in sui prolatæ con-  
 temtum revocata aut recantata fuerint injuriæ. Bach. *ad*  
*Trentl. Vol. 2. diff. 30. th. 7. lit. A. §. ad Inst. §. 3. de injuri. n.*  
*3. Vinn. ad §. 10. Inst. de inj. n. 1.* Id quod præ ceteris ex opi-  
 ficum statutis colligere licet, quorum rigore injuriis affec-  
 ti collegiis tamdiu excluduntur, quamdiu mediante  
*παλινodia* idoneam à laedente non impetraverint satis-  
 factionem. Utut ejusmodi statuta in diversis Imperii  
 Romani recessibus sublata planè sint ac condemnata.  
 Heintz. Hahn. *ad Wesemb. de his qui not. infam. n. 2.* Carpz.  
*p. 2. decis. 12. Struv. exer. 7. th. 22. Franzk. exer. 12. §. 8. n. 4.*  
 Hahn. *ad Wesemb. de privas. delict. in fin.*

VII. Dicta proinde hæc actio recantatoria sive re-  
 clamatoria, Græcis ad *παλινodia*, quæ vox *πάλιν* tū *παλιν*,  
 quod iterum, retro, ex adverso notat & *ὁδὸς* via, quasi fa-  
 cta criminatio per eam remittatur viam, quæ missa antea  
 in alterius contumeliam. Nec difformis plane utrique  
 originationi germanica phrasia: wenn der Geschmehte auf  
 einen Widerruf klaget. Præmissa sic origine tam reali quàm  
 nominali ordinis rectè satis comparati ratio exigat, ut  
 quidditatē actionis nostræ compendiosa quâdam descri-  
 ptione enuclearem. Placet autem ita efformare: *Quod*  
*sit*

fit actio personalis, civilis, rei persecutoria, quâ injuria affectus contra injuriantem id incendit, ut verba injuriosa re-  
clamet & ea à se injustè prolata esse faccatur lasamq; quasi ex-  
iustimationem in pristinam restituat integritatem.

VIII. Dico igitur eam esse actionem: Nec quic-  
quam dimoveor, quod nonnulli per implorationem offi-  
cii judicis eandem describant. Fortè quod definitio ac-  
tionis ideò non possit applicari, cum bonæ injuriis prola-  
tis affectu exiustimationi revera nil sit ablatum, cujus per-  
secutionem in judicio intendere necesse haberet. Sed  
enim sufficiat mihi, opinione saltem & quoad effectum  
civilem aliquid ablatum esse, vel etiam voce Actionis in  
latiori significatu implorationem quòq; nobilis judicis of-  
ficii comprehendendi, Dn. Struv. *Synt. jur. civ. ad tit. de  
Obl. & Act. lib. 58.*

IX. Ulterius dico, eam *personalem* esse: quia notæ  
characteristicæ illius Actionis tam à priori, quam à poste-  
riori conveniunt nostræ actioni ad *malivodiam*. A priori a-  
ctio aliqua an realis vel personalis sit, ut cognosci queat,  
necesse, ut ad jus & fontem, unde ea descendat, recurra-  
mus. Quod si enim jus in re, realis eadem erit, sin verò  
jus ad rem personalis vicissim dicenda. Illius nulla spe-  
cies hic accommodari potest; Hoc verò supponit factum  
aliud licitum aliud illicitum, quod & incivile vocatur l. 3.  
*de extr. ord. cog. l. 2. C. de furt. l. 3. in fin. C. de nav. fænor.  
l. 23. §. ult. de A. vel A. P.* Illud consensus efficit, & quidem  
vel unius, ut in voto & pollicitatione, vel duorum, ut in  
conventionem, in idem tamen hic locum non obtinet. Illi-  
citurum itaq; sive delictum hic supponendum, & quidem in-  
juria facta, quæ injurians evomendo eandem ad restitu-  
tionem



tionem damni exinde emergentis ac poenæ simul in inju-  
rantes constitutæ se subicere censetur. Quo sensu de-  
linquentes seipso poenæ subdere, suaque mente puniri  
dicuntur *l. 34. π. de jur. Fisc. l. ult. C. ad L. Jul. Maj.* Equi-  
dem dum scit is ipse aut scire minimum debet legum, con-  
vicia suppliciorum fulmine prohibentium, tenorem, &  
eò tamen non attento easdem transgrediatur, poenæ  
quoque iisdem definitas in se ipsum sponte derivare vide-  
tur.

X. Ex quibus satis patere putamus, nostræ actioni  
notam actionis personalis characteristicam, quæ à priori  
desumitur, omninò competere. Nec minus & ea, quæ  
à posteriori peti a solet, hic locum occupat. Nimirum,  
actio personalis eam tantum afficit personam, quæ de-  
linquendo contraxit obligationem, & idè hæc ipsa ab il-  
lius personâ, cui semel eadem acquisita, avelli & separa-  
ri non potest *l. 25. π. de O. & A.* Prouti versa vice in actio-  
ne reali non ad eò personæ quam rei habetur ratio, & ea-  
propter ea contra quemcunq; rei possessorem intentatur.  
Multo magis autem obligatio ex delicto descendens de-  
linquentem tantum obstringit, cum aliàs delicta suos tan-  
tum debeant tenere autores, nec ulterius progrediendum  
metu, quam reperiatur delictum. *l. 22. C. de pan.* Ad eò,  
ut nec hæredes quidem, universales, quæ cætera, defuncti  
successores poenam ob delictum ab hoc ipsò patratum in-  
currant, cum morte delictum in personâ delinquentis  
censeatur extinctum, nec hæres hoc casu defuncti repræ-  
sentet personam *l. 1. pr. π. de privatis delictis*, nisi fortè hæ-  
redes lucri ex delicto provenientes participes fuerint facti,  
vel etiam lis cum defuncto sit contestata *l. unic. C. ex delict.*

*defunct. in quant. heredes conven: l. fin. c. si reus vel accus. mort. fuerit.* Ceterum variæ ex injuriâ eructatâ offenso paratæ sunt actiones. Interim injuria affecti arbitrio derelictum, an nostram ad *παλινοδίας*, utinanis conceptus vulgò eò magis eximatur, an vero aliam sive civilem seu criminalem intentare velit actionem.

XI. Porro dixi actionem nostram esse *civilem*: & idèò necesse duco, diversam, cui obnoxia vox actionum civilium, significationem ad meliorem nostræ actionis naturæ intellectum præmittere. Equidem ut ratione causæ efficientis prætoris opponuntur, sic vicissim intuitu objecti speciem criminalibus oppositam constituunt. Sub utroq; conceptu actio nostra ad *παλινοδίας* civilis dici mereatur; Priori quidem respectu Heinric. Hahn. *de injuriis n. 18.* ea propter eandem minimè civilem dicendam opinatur, quod eà ex moribus oriatur. Sed enim ex eò non desitura civilis: ipse potius consuetudinem juris civilis speciem impugnare uti nec voluit, ita nec potuit, satis edoctus responso Jcti in *l. 32. de LL. inveterata*, disserentis, *consuetudo pro lege non immeritò custoditur, & hoc est jus quod dicitur, moribus introductum*, nec minus §. *9. Inst. d. J. N. G. & c.* Ut proinde mirari animo subeat, quò allectò fundamentò, ut consuetudinem & ea receptam actionem juri civili actionibusq; eò introductis opposuerit.

XII. Nec minus posteriori respectu nostra actio civilis dici potest; cum objectum ipsius non sit crimen aliquod seu capitale seu non capitale, sed putativa famæ nostræ imminutio. V. Joh. Rebhan. *Hodol. Jur. ch. 2. clim. 4. §. 43. p. 656.* Id quod præ cæteris insuper & ex eò patet, quod nostram actionem ulterius *rei persecutoriam* dixerim.

rim. Sed verò omnes fateri necesse habent, meam existimationem privati & malè præprimis feriat hominis arbitrio minime subjectam. Quà itaq; ratione is sua convitiandi prurigne eidem quicquam detrahere poterit, cuius persecutio judiciali deinceps intentanda auctoritate. Revera quippe honor non est ablatum aut læsum per injuriam; ideo frustra restitutio illius ex postulatur. Illius certè existimationi nil quicquam accedit, qui encomiis ab aliò afficitur. Multò minus igitur famæ honesti & gravis Viri verbis injuriosis aliquid detrahitur. Sed obest, injuriæ affectum agendo ad *παλινοδία* intentare restitutionem famæ suæ: Omnis autem recuperatio præsupponit privationem. Verum petitio illa re ipsa non tendit ad offensæ famæ redintegrationem, sed famæ potius illæ declarationem. Istiusmodi autem restitutio negativè magis se habet, quam positivè, non secus ac sententia declaratoria nil novi deceditur, quam quod jam antea juris est, expresse declaratur: Quæ omnia pro more suo i. e. accuratissimè urget Heinr. Hahn. *ad Wesemb. de injur. n. 18.*

XIII. Cur itaq; rei persecutoriam eam appellamus, cum nil ad sit, quod consequi necesse habeat injuria laceratus. Consulendum videbatur & vulgi, habentis persuasum, lædi convitiis famam opinioni, & occurrendum simul accrescenti convitiantis proterviæ. Verum quidem, bonam alicujus existimationem in altiori positam loco, quam ut alterius malignitate supprimi eadem possit. Vicissim tamen nec id negari potest, convitiantem, quantum in se suisque viribus positum fuit, detraxisse bonæ alterius famæ. Quod ipsum, auctà indies convitiatoris malitiâ, mores ejusdem præhibuerunt efficaciz, ac si revera

quid ablatum. Ut ideo conviciator compellatur ad id restituendum aut refarciendum, quod auferre vel ledere ausus ad minimum. Hinc convictus hac actione seipsum publici mendacii arguere cogitur, nec confiteri minus, falsa eadem & in os suum mentitum esse, quæ in actorem antea eructabat. Georg. Franzk. *exerc. 12. q. 8. n. 5.*

XIV. Actionum certè personalium natura est, ut quis rem alienam, quam reus ipsi debet, petat, & in eum quidem finem, ut ejus dominium consequatur, §. 14. *Inst. de Act.* ibiq; Commentat. Eò tamen non attento domino adversus furem competit actio personalis, condictio nimirum furtiva, ut ut dominio rei suæ per furtum non exciderit *l. 1. §. de condict. furt. l. 14. §. 16. §. de furt.* Et licet Bachovii judicio ad dict. §. 14. id irregulare sit, cum conditiones regulariter non Dominis contra Dominos dentur, mihi tamen sufficiat id evicisse, & aliam in super dari actionem, quæ aliquis compelli potest, ut restituat id (sc. rei dominium) quod nunquam adeptus. Nec minus interdictum unde vi classi interdictorum restitutoriorum accensetur *l. 1. §. unde vi.* Eò tamen itidem non attento id ipsum & illi assignatur, qui non est verè de possessione dejectus, sed prohibitus tantum vel impeditus factò aliquò externò, quò minus eò, quod possidet, arbitrio suo uti possit. *l. 1. §. unde vi & vi arm. l. 3. §. 4. in fin. uti possid.*

XV. Extant itaq; jure Romano judicia, quæ natura quidem sua ad rem ablatam recuperandam tendunt, & tunc tamen locum obtinent, quoties quis in quietà tantum ac felici rei alicujus possessione inter turbatur. Quidni igitur moribus remedium istiusmodi induci poterit, quò famam, ut ut revera non amissam, persequi dicamur. Mul-



ta'equidem civilis ratio toleranda censet, quæ minimè interdum necessaria; præprimis quando cum vulgo quid intercedit negotii. Ita enim in civili societate res comparata, ut quoties ordinaria juris principia sufficere non videntur, extraordinaria ad partes vocari debeant. Nolim itaq; Roberti Marantæ *in spec. aur. p. 4. dist. 1. n. 17.* & qui ipsum secuti Andream Gail. *lib. 1. obs. 65.* nec non Joach. Mynsin. *lib. 2. obs. 98.* sententiæ suffragari, hanc actionem non civilem, sed criminalem esse asserentium. Quod si enim id inspicatur, quid actione hac ad *παλινοδία* intendatur, illicò apparebit, criminalium numero eam minimè assignandam. Tendunt quippe judicia criminalia vel ad pœnam corporalem vel pecuniariam quidem non tamen parti agenti sed fisco applicandam. Ant. Perez. *in pral. ad Cod. tit. quando civ. act. crim. non prejud. n. 2.* In præsentī actione cum restitutio famæ injuria lacescito & ita parti agenti quæ ratur, ea criminalis dici haud quaquam merebitur. Nec minus & ex eò haud obscurè colligere licet, nostram actionem non esse criminalem, quia in eà & intendendā & excipiendā indistinctè procurator admittitur. Ant. Perez. *ad Tit. Cod. de injur. n. 22.* Cum vicissim criminalia judicia regulariter per procuratorem non possint ventilari, nisi pœna pecuniaria vel relegatio aut minor eadem sit infligenda.

XVI. Malo enim particulam *usq;* in *l. 1. π. an per alium caus. app. red. pos.* cum Hillig. *Donel. enucl. lib. 18. c. 10. lit. E.* & And. Fachin. *contr. lib. 1. c. 26.* inclusivè, quam cum Ant. Matt. *ad lib. 48. tit. 13. c. 4 n. 2. & seq.* aliisq; exclusivè accipere, motus *l. 5. pr. π. de pœn.* utur eam quæstionem in dubio relinqvat Dn. Brunnem. *ad d. l. 1. π. an quis per al. app.* Tan-

dem hanc actionem non esse criminalem eò probare an-  
nituntur nonnulli, quod ea in Camera Imperiali ventilari  
possit & appellatio quoque in ea ipsa admittatur. Ant. Pe-  
rez. *diff. loc.* Cum è diverso nulla criminalis accusatio,  
excepta conditione ex constitutione pacis publicæ in ea  
ipsa tractari possit, nec appellationes insuper universali  
Germaniæ consuetudine in causa criminali interponi va-  
leant Joach. Myns. *obs. sing. cent. 2. obs. 98.* Andre. Gail. *lib. 7.*  
*obs. 65.* Daniel. Moller. *lib. 1. semest. c. 23. in pr.* Matth. Ber-  
lich. *p. 5. concl. 62. n. 10.* Carpz. *pr. crim. p. 2. q. 94. n. 51.* Georg.  
Franzk. *exer. 12. q. 8. n. 7.* Valentin. Rimer. *decad. 12. q. 10.*

XVII. Nec quicquam moveor argumentis, quibus  
Maranta ejusque asseclæ ad firmandam contrariam senten-  
tiam nituntur. Et præcipuum fere est, quod ista satisfac-  
tio injuriæ dicatur pœna, & proinde actio, per quam eam  
adipisci possumus, pœnalis dicenda. Sed vero egregiè  
confundit Maranta actionem pœnalem cum actione cri-  
minali. Et illa equidem actio pœnalis dicitur, quæ pœnâ  
parti quæritur, criminalis verò quæ ea vel corpori delin-  
quentis vel fisco applicatur Carpz. *prax. crim. p. 3. q. 102. n. 29.*  
Actio certe furti, vi bonorum raptorum, nec non actio  
injuriarum æstimatoria pœnales sunt, minimè autem cri-  
minales. Civiles in duas abeunt classes vel rei persecuto-  
rias vel pœnales, cum criminalibus haud quaquam con-  
fundendas. Schneid. *in com. ad Inst. tit. de obl. quæ ex de-  
lict. nasc. n. 9.* Sed enim id saltem ad infringendam con-  
sequentiam adductum esto; Alioquin nostram actionem  
rei persecutoriam magis quam pœnalem dixerim. Eâ  
quippe id intendit actor, ut id consequatur, quod ex vulgi  
opinionem ipsi abesse videtur. Pœnalem vice versa actio-  
nem

nem instituens id persequi laborat, quod ipsi non abest. Unde & is, qui actione furti intentata quadruplum vel duplum jam tum consecutus est, non prohibetur condictione furtiva vel rei vindicatione rem ipsam furto sublatam persequi §. *fin. Inst. de obl. quæ ex delict. nasc.* Et licet fortè revocatio injuriæ ex supposita hypothese, ablatam sc. esse bonam, famam, pœna dici possit, id tamen fit non nisi improprie & contra qualitatem propriam pœnarum; cum actio nostra tendat tantum ad interesse privatum partis nimirum læsæ & restitutionem famæ Heinr. Hahn. *ad Wesemb. de injur. n. 18.*

XVIII. Multo minus itaq; Marantæ concesserim, hanc actionem eapropter quoq; criminalem efferendam, quia ex delicto descendit. Miror potius, ipsum tanquam JCtum latere potuisse, non protinus omnes actiones, quæ ex delicto proveniunt pœnales esse. Neque enim infrequens ex delicto oriri actiones non tantum pœnales, sed etiam rei persecutorias Bachov. *ad §. fin. Inst. de furt. & §. 17. Inst. de action.* Alioquin certè condictio furtiva etiam criminalis dicenda foret, cum ea quoq; ex furto descendat judicio Wesembecii & novissimè Dn. Struv. *Synt. jur. civ. exerc. 18. tb. 50.* Utut Bachov. & Heint. Hahn. *ad Wesemb. de condict. furt. n. 7.* eam occasione tantum subtractionis per furtum commissæ immediatè à lege introductam esse opinentur. Quod si igitur omnis actio ex delicto descendens indistinctè nē quidem pœnalis dicenda, multò minꝰ criminalium judiciorum classi eadem sine discrimine veniet assignanda. Recte igitur Bachov. *ad Treutl. v. 2. disp. 30. tb. ult.* in verbis, *ea tamen criminalis non est*, censet lapsos hic videri Doctores & actionem criminalem cum pœnali,

pœnali, itemq; civilem & rei persecutoriam confudisse  
& proiisdem habuisse.

XIX. Ulterius Maranta & in eò humani quid passus videtur, dum satisfactionem, quæ præsentì impetratur actione, pœnam in corpus continere, & cum vituperio fieri, ac proinde criminalem esse defendit. Id equidem ponit Maranta, quod nè verbo probat, nec probare unquam potest. Nec solam Parisiæ auctoritatem tanti æstimaverim, utiis, quæ saniorum iudicio pro principiis hæctenus iudicata, ineptè reluctarer. Suspicio potius, terminos illos *pœnam inferri in corpus* præsentì negotio minù aptè aut feliciter applicatos. Fateor Lege Aquilia vindicari interdum damnum injuria datum in corpus licet sine corpore; prouti & subsidiaria actione contra eundem prospectum, qui non corpore, neq; in corpus damnum dedit §. *fin. Inst. Ad Leg. Aquil. l. 9. l. 11. §. 1. l. 13. 29. §. pen. l. 30. §. 1. π. eod.* Quà ratione autem conventus actione ad *παιινodίαν* pœnæ corporali exponatur deprehendere mihi non licuit hæctenus. De injuria certè insultato nullus de facili efferrer, ipsum corporali aliquo affectum damno. Nisi fortè eò absurditatis dilabi velis, verbis quoque, quæ ex ore alioquin dimissa exhalant penitus, corpori damnum inferri posse. Et licet forte ea quendam post se relinqvant effectum, is tamen non nisi in merò hominum non rectè satis sentientium consistit conceptu. Quin imò, si satisfactione delicti pœna in corpus perpetuo inferenda, & actio, quæ ea intenditur criminalis dicenda, ut Maranta concludit, quod quæso iudicium, ab eò, qui delicto alterius offensus, institutum, non erit criminale?



XX. Minimè tandem omnium proderit Marantæ propugnatoribus, quod infamia irrogetur actione nostra condemnatis, ut proinde omninò criminalibus accensenda judiciis. Præterquam enim quod suppositum verò haud conveniens dixerim, sequela quoque adducta infamabili laborat vitio. Quot equidem actiones in *l. p. de his qui not. inf.* notantur, in quibus condemnati infamia afficiuntur. Nemo tamen citra absurditatem eas criminales protinus censebit, nè alias actiones ex non nullis descendentes contractibus cum judiciis criminalibus confundere necesse haberet. Joach. Myns. *sing. obs. cent. 2. obs. 98. in fin.* Valent. Rimer. *quest. illust. decad. 12. q. 10.* Nec quicquam facit, quod pro Marantæ sententiâ defensitanda adducit Hierony. Treutl. *vol. 2. disp. 30. tb. fin. lit. A.* Veram nimirum ipsius sententiam eatenus esse, quando ex statuto cum recantatione infligitur pœna carceris vel relegationis. Rectè enim ad dictum locum animadvertit Bachov. hoc parum subtiliter dici, *vel*, utar verbis ipsius Bachovii, *quia Maranta hunc casum prorsus non tractat, vel potius, quia pœna carceris aut relegationis non potest venire vi & potestate actionis ad palivodias, sed vi alterius actionis cummulata sive vere & expresse per actorem, sive fictè & tacitè per interpretationem & auctoritatem statuti, quod injurianti aliam pœnam vult irrogari.*

XXI. De cœterò, Jure Saxonico majus suboriri videtur dubium de natura nostræ actionis, civilis an criminalis eadem censenda? Intrepidè eam criminalem eodem jure asserit Daniel Moller *ad constit. Elector. p. 2. const. 42. n. 2. & in semest. lib. 1. c. 23. n. 1* cui deinceps subscripsit Hieron. Treutl. *Vol. 2. disp. 30. tb. fin. lit. A.* Fundamentum

quò ipse movetur, potissimum in eò consistere deprehendo, quod constitutio Electoralis Augusti, p. 4. *const.* 42. sanciverit, injuriantem condemnari non tantum ad revocationem, sed præterea pro qualitate injuriæ etiam carcere vel relegatione temporali, aut etiam perpetua cum fustigatione puniri debere. Sed enim intentionem serenissimi Legislatoris non satis intellexisse videtur satis aliquin acutus illius interpret. Id equidem ipse laboravit, ut levissimâ juris veteris Saxonici pœnâ, inq; 30. solidis consistente, abrogatâ injuriantis pruriginem coercere posset. Graviolem ea fini ac severiorem in locum veteris surrogavit, constituendo, contra injuriantem ad pœnam relegationis usque vel carceris procedi posse. Veterem itaque moribus inductam actionem ad *παλινοδία* salvam reliquit atq; intactam, pœnam solum in injuriantes exasperando. Interea hæc ipsa exasperatio non peti impetrari minus multo poterit nostra actione ad *παλινοδία* intentata. Alia potius ad partes vocanda & pro arbitrio actoris cum nostrâ actione cumulanda, si in solâ recantatione sibi minimè acquiescendum putaverit. Bachov. d. 6.

XXII. Quin imò ex Mollerii sententia & id absurdè sequeretur, non posse hodiè de jure Saxonico ad recantationem agi, quin simul ad relegationem vel in carcerationem procedatur. Id quod tamen plane absurdum meritò censet Georg. Franzk. *exerc.* 12. q. 8. n. 12. Contraria potius sententiâ illi illicò arridebit, qui, quænam actio jure Saxonico criminalis reputatur, suo probè subduxerit iudicio. In eâ equidem definiendâ ex parte recedit jus Saxonicum à juris civilis dispositione. Hoc equidem jure, còmmuni Dd. sententia, causa & actio criminalis dicitur, quæ

quæ ad pœnam seu corporalem seu pecuniariam fisco applicandam tendit. Jus vicissim Saxonicum eam tantum causam asserit criminalem, quæ ad pœnam corporis afflictivam, veluti mortis pœnam, fustigationem, manus amputationem, dirigitur. *Peinlich Klage* inquit *Gloss. ad art. 17. Weichbilde/ist nichts anders/denn do man fordert von den Bruchhafftigen seine verdiente Pein und seinen Aberag noch Bussse* *Matth. Coler. p. 1. decis. 22. n. 5. Carpz. jurispr. for. p. 4. const. 42. defin. 2.* Qui ipse omnium optimè & satis prolixè hanc sententiam contra Gothofredum Antonium defendit in *pract. crim. p. 3. q. 102. n. 44. & seq.*

XXIII. Quis itaq; asserere ausurus, nostram actionem intentantem eum intendere scopum, quod injuriantem pœna affectum velit corporali vel corporis afflictiva? Privatum potius interesse seu jus partis eadem concernit, famæ sc. restitutionem, quam, ex præconceptâ opinione ablatam putabant initio de plebejo qui erant ordine. Et eò fortè respicere voluit Serenissimus Elector Saxonicus *p. 4. const. 42. in verbis: wir gleichwohl bey uns ertrogen/das der ordentlichen Obrigkeit gebühret ehrliebenden Leuthen durch geordnete Straffe ihren Ehren Ergehung zu thun.* Cum igitur juri Saxonico ne ea quidem causa criminalis dicatur, quæ pœnam intendit pecuniariam, ut ut ea jure civili pro criminali habeatur, dummodo fisco ea veniat applicanda *Carpz. d. 1. n. 29.*, multò minus nostra actio ad *παινωδία* jure Saxonico criminalis dici poterit, vid. *Carpz. pr. crim. p. 2. q. 94. n. 58. & seq.* Ea quippe nil aliud intendit nec consequitur actor, quam solam rei restitutionem, quam sibi à Reo subtractam putat. Jure itaque & civili & Saxonico actio nostra est &

manet civilis ; nullo sic inter illa jura discrimine quâ sub-  
stratam actionem inducitur.

XXIV. De cæterò, evictò eò, nostram actionem  
esse civilem & quidem rei persecutoriam, non vulgaris  
quæstio exinde nascitur, an ea cum actione injuriarum in  
unò libellò cumulari possit? In antecessum id notandum,  
injuriarum actionem vel civiliter vel criminaliter inten-  
tari posse. In civili pars læsa æstimat injuriam, petitque  
injuriantem in eam (quam tamen judicialis moderatio  
præcedere debet) condemnari. In criminali verò actione  
intenditur pœna vel corporalis vel pecuniaria fisco appli-  
canda. Discretim igitur in hujus quæstionis discussione  
procedendum, ob diffformes, quæ hic obveniunt, Docto-  
rum sententias. De actione injuriarum criminaliter in-  
stituta, plerique, quantum mihi constat, hætenus conveni-  
unt Doctores, eam nimirum cum nostrâ actione ad  
*πληροδίας* in unò libellò cumulari posse. Remota nimi-  
rum sententia illa, quâ actionem nostram pœnalem non-  
nulli asserunt. Id equidem decisum hucusque, quoties duo  
obveniunt facta delictave diversæque eò nomine pœnæ ve-  
niant infligendæ, toties alteram actionem pœnalem altera  
non consumi: Neutrum enim delictum factumve impu-  
ne relinquendum.

XXV. Hunc in finem allegare placet §. 1. *Inst. ff.*  
*quadr. paup. fecis. dicatur: Nunquam enim actiones, inquit*  
*Imperator, præsertim pœnales de eadem re concurrentes alia*  
*aliâ consuevit.* Nimirum duo facta ibidem supponuntur,  
alterum Dòmini canem habentis eò in locò, in quò habe-  
re eundem prohibitum, alterum Canis pauperiem facien-  
tis. Utraque igitur facta punienda; cum nunquam plura de-

*libella*



*licet a concurrentia faciant, ut ullius impunitas detur: neq; e-  
nim delictum ob aliud delictum minuis pœnam l. 2. pr. w. de  
priv. delict. Cæterum in præsentî negotiô unicum tantum  
versatur factum delictumve, injuria nimirum in alterius  
contumeliâ prolata. Qvod si igitur actio nostra pœ-  
nalis foret alserenda, cum criminali injuriarum actione  
cumulative proponi haudquaquam posset. Justitiæ equi-  
dem ratio non patitur, aliquem ob unum delictum dupli-  
ci pœna castigari Carpz. pr. crim. p. 2. q. 69. n. 4. Dn. Ziegler,  
in nos, ad Inst. Lancell. de sent. & re judic. §. 8 in fin.*

XXVI. Cum autem superius nostram actionem  
rei persecutoriam dixerim, idè exinde satis dilucescit,  
eandem cum criminali injuriarum actione quam optime  
cumulari posse. Quotiescunq; enim actiones ex unô  
descendentes delictô non ad idem sed diversa tendant, to-  
ties cumulari easdem posse decisum satis. Adeò quidem,  
ut etsi duæ actiones pœnales ex eodem delictô descen-  
dant, nihilominus eadem si ad diversa tendant cumulati-  
vè proponi possint. Exemplum sisto in *l. pen. π. arbor.  
furt. cas.* ex quâ ipsâ lege pugnantes invicem textus in  
*l. 32. & 53. π. de O. & A.* feliciter conciliari possunt. Reinh.  
Bachov. *ad s. ult. Inst. si quid. paup. fec. dic.* Sed enim  
cum nostra actio sit rei persecutoria, idè multo magis  
eadem cum actione injuriarum criminali concurrere po-  
terit. Privatum eqvidem interesse ut alias publico ne  
quicquam præjudicare potest; ita nec nostra actio eidem  
actioni, quæ publicam intendit persequiturq; vindictam  
quicquam poterit nocere. Actor in eadem id tantum pe-  
tit, ut honor, qui per injuriam factam hominum opinio-  
ne ablati videtur, restituatur, Magistratui jus suum sal-  
vum

vum ac illibatum relinquendo. Et hæc ipsa sententia Jure etiam Saxonico in peculiari Constitutione 42. p. 4. Augusti expressè approbata. Ut Doctores ideò de illius cumulatione nullum superesse dubium existiment. Amad. Eckolt. *ad π. de injur.* §. 26.

XXVII. De civili autem æstimatoria major exsurgit dubitatio, an ea cum nostra actione in unò libellò cum effectu cumulari possit? Negativæ acerrimum hic deprehendo defensorem JCtum maximi nominis Carpz. *jurisp. forens. p. 4. const. 42. def. ult.* Sed enim veritati magis conformem, salva tamen tanti Viri auctoritate, contrariam censuerim sententiam. Actio equidem æstimatoria, utut criminalis non sit, pœnalis tamen est, cum Actor æstimat injuriam, petitq; ut sibi summa æstimata & deinceps temperata applicetur §. 1. *Inst. de perpēt. & temp. act.* Heintz. Hahn. *ad Wesemb. de injur.* n. 17. Unde Imperator in §. 10. *Inst. de inj.* ita discribit: *Et si quidem civiliter agitur, æstimatione facta secundum quod dictum est, pœna reo imponitur.* Et ea propter quia illa ipsa veram continet vindictam, nec in hæredes transit, nec hæredi tribuitur, nisi lite contestata l. 13. *pr. l. 15. §. 14. w. de injur.* Ne dicam condemnato actione æstimatoria infamiam irrogari, l. 1. *w. de his qv inot. infam. l. 7. pr. l. 40. l. 42. π. de injur.* nisi fortè injuria levis, aut honor damnato expressè reservatus, aut sententia in procuratorem lata, aut jussu Magistratus transactum fuerit. arg. l. 17. §. 3. l. 6. §. 2. & 3. l. 40. *w. de injur.* Georg. Franzk. *com. ad Inst. §. 3. dict. tit.* Dn. Struv. *Synt. jur. civ. disp. 48. tb. 9.* Amad. Eckolt. *compend. Pand. tract. ad tit. de injur.* §. 13. Et licet hanc notam actionis pœnalis non esse universalem, exemplo actionis pro socio, depositi

positi & similium edoceamur, sufficit tamen eam ut plurimum & quidem à posteriori obtinere.

XXVIII. Hoc autem supposito, actionem nimirum æstimatoriam pœnalem esse, decisio præsentis quæstionis facilis evasura. Quoties enim actio rei persecutoria cum actione pœnali concurrit, toties propter diversos, quos intendunt, fines, altera alteram non consumit, sed cumulari eadem quam optimè possunt. Ex quò principio nec actio furti per conditionem furtivam, nec hæc per illam consumitur *L. 7. §. 1. π. de condict. furt. l. 54. §. 3. π. de furt.* Nec minus propter fractam pacem simul agi potest ad pœnam banni & damni illati restitutionem And. Gail. *lib. 1. obs. 63. n. 9.* Joach. Myns. *lib. 1. obs. 25. & lit. 4. obs. 34.* Et hanc sententiam communi Doctorum calculo comprobari & in pronunciando in Facultate Lipsiensi, Wittebergenſi & Jenensi, quin imò, quæ primo loco nominari debebant, in ipsa Camerâ Imperiali nec non in curiis in Electoratu Saxonie provincialibus observari tradunt And. Gail. *lib. 1. obs. 65. n. 5.* Carpz. *Jurisp. forens. p. 4. consl. 42. de fin. ult. n. 32.* Sed enim præter allata duo adhuc adfunt fundamenta, quibus ad evincendam hanc cumulationem præ cæteris nititur Matth. Berlich. *conclus. pract. p. 4. conclus. 62 n. 13.* Favorem nimirum injuria affecti, ut is famæ suæ restituatur, perpetuo obtinere, siue civiliter, siue criminaliter agatur, ut perinde utrobique peculiaris ad *παινοδίας* actio obtinere debeat. Deinde actio injuriarum etiam æstimatoria jure scripto est introducta, nostra vero moribus demum recepta. Quoties vero altera actio ex lege, altera consuetudine inducta, toties eadem compatibles omnino censendæ.

XXIX. Horum autem quicquid sit, nihilominus præfatus Carpz. d. l. multis diversisq; rationibus diversam sententiam, ceu in Scabinatu Lipsiensi, cujus primarium ipse membrum exstitit, receptam, probare annititur. Sed verò eam non censuerim, ut à communi Doctorum sententiâ me divertere valeant, nisi Electoralis decisio totam diremisset difficultatem. Domino Carpzovio utraq; largior manu, actionem non minus ad *παλινodia*, quam æstimatoriam injuriarum concernere primariò privatum interesse, jura autem non permittere, ut quis duplex interesse petere, & sic idem bis exigere possit. In eò autem controversiæ cardo consistit, an duplex illa petitio ad unum idemq; tendat, ut reverà idem bis exigi dici possit. Equidem actio furti, condictio furtiva & rei vindictio privatum respiciunt interesse, ne utiq; tamen alterutram earum alteram consumere superius deductum. Ad alium utique finem tendit actio nostra, revocationem nimirum injuriæ prolata; ad alium vicissim actio æstimatoria, pœnâ scilicet ut coërceatur injurians. Ex quò latis dilucescit, cumulationem utriusque actionis admittendam & rationem Carpzovii ulterius haud attendendam esse. Præprimis quod judex injuriantem ad *παλινodia* seu recantationem condemnans summam in libellò ab injuriâ lacescitur, quanti injuriam æstimavit, eò magis moderari afolet.

XXX. Etimò licet actio æstimatoria privatum injuriâ affecti concernat interesse, negari interim non potest & publico insuper bono actione eà consuli. Coerceatur quippe injuriantis prurigo, si summam pecuniæ certam injuriâ lacescitur præstare rei;q; familiaris sic jacturam pati



pati tenetur. Nec minus exemplo injuriantis, dum po-  
na eundem pro atrocitate injuriæ satis non raro acerbe  
deprehendunt subjectum, alii injurias detestari discunt.  
Et licet concedendum omnino Dn. Carpz. ex Responso  
Cajii in l. 57. π. de R. 7. bonam fidem non pati, ut bis idem  
exigatur; iudem tamen hic applicatio deficit. Actionis  
rei persecutoria natura non patitur, se cumulari cum alia  
ejusdem farinae ne quis idem bis petat. A fure quisquis  
rem furtivam rei vindicatione fuerit adeptus eidem via  
ad conditionem furtivam præclusa. Initio actori prospici-  
endum, qualem in concursu duarum persecutoriarum  
instituire utile duxerit. Alterutra verò intentata regres-  
sus ad aliam ejusdem conditionis penitus denegatur. l. 9.  
§. 1. π. de tribus act. l. 43. §. 1. de R. 7.

XXXI. Cæterum nostra actione actor aliud inten-  
dit persequiturque, quam qui actionem æstimatoriam in-  
stituit. Illa famam, quam per maledicentiam alterius læ-  
sam putant plerique; Hac verò poenam tantum, quam  
præstirā injuriæ æstimatione luere obstrictus injuriens. Illa  
tantum redintegrandum, quantum apud vulgum injuria  
nocuit; Hæc coercitio injuriantis, & ut ipse in posterum  
abstineat, intenditur. Minimè igitur quadrare videtur  
exemplum equi à Carpzovio allatum, perinde disferentis  
faceret injuriatus ad utrumque, agens, ac si quis equi sibi ablatis  
restitutionem ac simul ejusdem æstimationem petere vellet.  
Ex præconcepto equidem principio nata videtur hæc sen-  
tentia. Firmo quidem eadem subsisteret talo si utraqve  
actio ad *παλινωδίας* nimirum & æstimatoria rei esset perse-  
cutoria. Ita quippe paradoxon, duas actiones rem ean-  
dem persequentes cum effectu cumulari posse. Sed enim  
actio.

actio æstimatoria non id persequitur, quod nobis abesse videtur, ut actio nostra, sed id saltem intendit, ut poenæ subjiçiatur injurias evomens. Et licet ex parte injuriantis æstimatio injuriæ in actionem deducta videatur, revera tamen æstimatio dici non potest. Neq; enim fama nostra & existimatio subjecta æstimationi nummaria. Inæstimabilis potius eadem omnibusqve rebus in hac vitâ post vitam pretiosior à cordationibus judicatur. Ne dicam, bonis Viris metum infamiæ graviolem quatq mortis contingere debere. *l. 8. §. pen. & quod met. caus.*

XXXII. Et non adeò inconcinne fortassis verba constitutionis Electoralis *p. 4. const. 42.* huc allegari possunt: *Es haben Erbare Leuthe allwege das Leben und die Ehre gleich geachtet/und die Verletzung oder die Verkleumdung an Ehren höher und beschwehrlicher, denn Leibs-Beschädigung gehalten.* Ea propter circumspicius quoq; Advocatus non illis in libello utetur verbis, *Er hat mich an meinen Ehren geschmecht/* sed potius, ut injuriantis impotentia monstretur, *Er hat sich untermstanden an meinen Ehren zu schmechen.* Carpz. *pract. crim. p. 2. q. 94. n. 16. in fin.* Permittitur itaqve injuriâ affecto æstimare injuriam illatam, ut vindicetur hæc ipsa, non secus ac Domino actio furti assignatur ad duplum vel quadruplum. Hæc autem vindictæ persecutio honoris restitutionem minimè excludit. Ablatum quippe nihilominus in tantum restituendum, in quantum injuriens id auferte annexus. Alioquin enim contra justitiæ commutativæ naturam adhuc injustus maneret convictum dicens, si nullam honoris læsi restitutionem fecerit. He nr. Hahn. ad Wesemb. de injur. n. 18.

XXXIII. Ulterius pro sua sententia roboranda urget Carpzovius; sublatam per recantationem injuriam frustra aut iniquam peti illius estimationem; cum non entis nullae sint affectiones. Sed enim ut actio rei persecutoria in concursu non excludit poenalem, & vice versa; ita nec aliud de nostris actionibus ferri potest iudicium. Fortè, si sola actio ad *παλινοδία* initio institueretur, nec cum estimatoria cumularetur, aliquid operari posset hoc argumentum. Ita equidem prætendere haberet injuria laceratus, injuriam per actionem nostram sublatam non posse estimari. Quoties autem ea cum estimatoria cumulatur, dici prius non potest, eam sublatam esse, quam si super utraque sententia lata & revocatio actu ipso facta fuerit. Ipsemet Carpzovius *prac. crim. p. 2. q. 94. n. 32.* largitur, ultra *παλινοδία* poenam pecuniariam aut corporalem injuriæ anti pro arbitrio iudicis infligi posse. Cum igitur actio nostra cum alia actione poenam persequente, qualis etiam estimatoria, cumulari possit, rationem diversitatis deprehendere mihi nondum licuit. Ut enim criminalis injuriarum actio ad alium tendit finem, quam actio nostra, & ea propter cumulari potest, ita eadem ratio estimatoriæ injuriarum applicanda. Ulterius ex Carpzovii mente, ad denegandam cumulationem non sufficit & nostram ad *παλινοδία* & estimatoriam actionem ex uno eodemque delicto oriri. Insuper & id desideratur, ut utraque, de quarum cumulatione quaestio, ad unum eundemque tendat finem atque effectum. Id quod de nostris actionibus vi superius dictorum dici haudquaquam poterit.

XXXIV. Insuper & id Carpzovio non negaverim, toties cumulationem actionum non valere, quoties sen-

sententia absolutoria in una lata in altera parit exceptionem rei iudicatæ. Dummodo ea actiones unam eandemque petendi causam habeant, prouti Zangerus ab ipso Carpzovio citato hæc verba non sine emphasi adiecit. Alioquin ipse Zangerus non diffitetur actionum ad diversas res tendentium cumulationem admittendam esse. Id verò Carpzovio obfirmato negaverim animò, actionem nostram in locum æstimatoriæ surrogatam esse, & proinde cum ea cumulari non posse. Neque enim abrogata ullibi actio æstimatoria, ut in locum ejus nostra surrogari debuerit: ipsi potius Doctores ab eodem allegati contrariam defendunt sententiam. Moribus potius accessisset nostram actionem illi actioni civili, quæ ad injuriarum agitur æstimationem, inspicienti eosdem illicò apparebit. Ex accessione autem non proxime surrogatio aliqua efficienda. Alioquin non sine absurditate dicendum foret, condictionem furtivam in locum rei vindicationis esse surrogatam. Cum odio furum, quo magis pluribus actionibus teneantur, effectum sit, ut extra poenam dupli aut quadrupli rei recipiendæ nomine fures etiam hac actione teneantur, si appareat eos dare oportere: quatenus sit adversus eos etiam hæc in rem actio per quam rem suam quis esse petit.

§. 14. *Inst. de action.*

XXXV. De ceterò licet injurias evomens juxta Carpz. posita nostra sententia quæ druplici gravetur onere, ea propter tamen cumulatiostrarum actionum non impugnabitur. Quo pluribus equeidem se circumseptum quis deprehendit actionibus, eò magis impofterum & ipse & alii ab injuriarum eruftatione deterrebuntur. Is enim poenarum præcipuus fructus perhibetur, ut delinquens



qvens meliorē induat mentem, & alii simul illiq; exemplo a delictis perpetrandis abhorreant. Ipsemet potius Carpzovius *p. 4. const. 27. def. 6. n. 4.* regulam illam, qvā nemo ob unicum delictum duobus poenis afficiendus, tunc demum veram censet, qvando utraq; poena ad eundem tendit effectum, unaq; poenā delictum sufficienter est punitum. Ponderaturo autem actiones à Carpzovio recensitas ad oculum patefcet, eas diversos planē fines effectusq; sibi habere propositos. Privatum interesse concernit actio nostra nec non aestimatoria. Publicum vero poena à iudice dictanda, cui à priori ne qviquequam prajudicari potest. Condemnatio tandem in expensas omnibus communis actionibus, cum regulariter victus victori in expensas condemnari debeat *l. 29. pr. π. de jud. l. ult. C. quando provoc. non est neces. l. 4. C. de fruct. & litium expens.* Carpz. *p. 1. const. 31. def. 24. n. 1.* Neq; enim aliās infreqvens adeò, unum eundemq; pro qualitate delicti & juxta petitionem actoris pluribus coerceri poenis. Id quod promptissimus demonstrarem, nisi pagellæ nostræ prater spem & intentionem sub manibus excrevissent.

XXXVI. Nec ulterius metuendum, stante nostrā sententia, processūs & injuriarum actiones indices augmenta accepturas. Forte quod nullus levidenti etiam affectus injuriā de facili nostram omittet actionem, quin potius cum *παινοδία* suo simul prospectum cupiet marsupio. Neq; enim *παινοδία* in omnibus indistinctē injuriis imponenda. Qualitatem injuriæ & conditionem personæ injuriā affectæ ad partes vocandam inferius notabo. Et fortassis injuriatus de lucrò sibi non adeò habebit gratulari, cum iudex ut plurimum immane quantum modera-

ri soleat injuriam taxatam. Quinimò licet lucrum repor-  
tet, non tamen aliud agit, quam quod jura ipsi permittunt.  
*L. 55. l. 151. 55. §. 1. de R. J.* Sed & ego inverterem potius ar-  
gumentum, non augeri, sed minui potius & circumcidē  
processus injuriarum, quò pluribus injuriantes obnoxii  
subiectiq; actionibus.

XXXVII. De ceterò utraq; manu Carpzovio lar-  
gior, nè apicem in jure universò de hâc cumulatione re-  
periri. Neq; enim potest ulla litera de eâ consignata ex-  
tare, cum nostra actio juri Romano incognita & moribus  
demū introducta sit. Ut itaq; non entis nullæ affectiones;  
ita nec de actionis nondum existentis cum aliâ actione cu-  
mulatione jure Romano quicquā disponi potuit. Mihi suf-  
ficiat hanc cumulationem in Camerâ Imperiali & plerisq;  
judiciis Germaniæ observari: communi autem observan-  
tiæ interdum eadem, quæ juris, est efficacia. Carpz,  
*jurispr. for. p. 1. Const. 28. def. 65, n. 16.* Ultimum tandem,  
quò Carpzovius nititur, argumentum ego potius itidem  
invertendum dixerim. Quò magis equidem interest  
Reip. coerceri accrescentem quotidiè calumpniantium li-  
bidinem, eò favorabilior potius cumulatio actionum con-  
tra eos inductarum censenda. Quod enim unâ adipisci  
non licet, duabus fortè obtinere licebit. Habetur actio  
injuriarū pro odiosa, injuriantem si respicias; quod si verò  
publicam concernas utilitatem & bonæ famæ pretium, sa-  
tis favorabilis eadem dici omnino meretur. Judex insu-  
per in judicandò in mītiorem partem inclinare debet, ca-  
sus si obveniat dubius, & causæ fuerint leviores. Hic ve-  
rò de crimine liqvido satis constat, & injuriarum delictum  
furtò

furtō & falsō gravius ab ipso Carpz. *pract. crim. p. 2. q. 94. n. 1.* censetur. Et imò si universalis esset ultima hæc Carpzovii ratio, multò minus actio nostra cum criminali ad fustigationem non rarò tendente cumulari posset. Magis equidem graviusque coercetur injurians si ad recantationem & fustigationem, quam si ad illam & æstimationem, quam satis non rarò moderatur cordatior judex, condemnatus fuerit.

XXXVIII. Frustra insuper Carpzovius *p. 4. const. 42. def. 16. n. 57.* distingvit inter cumulationem nostram quoad Actorem & quoad judicem consideratam. Nimirum actor quidem utramque & recantationem & æstimationem, in libellò petere potest, judex verò alterutram tantum in sententionando eligere debet. Adeò, ut cumulatio harum actionum copulativa in disjunctivam seu alternativam transmutanda, & electa recantatione æstimatoria o-mittenda & vice versa. Quod si enim judex ad petitionem actoris criminaliter intentatam injuriantem tam ad *παλημδίας*, quam poenam arbitriariam corpori etiam infligendam condemnare potest, quantum magis in actione civiliter intentata & cum nostra cumulata id facere poterit. Cui enim licet quod majus est, eidem non poterit non licere quod minus. *l. 21. de R. 3.* Prius autem concedit Carpzovius, ergò & posterius largiatur necesse est.

XXXIX. Cæterum, etsi hæc omnia ita disputari possint, in Electoratu tamen Saxonico res salva satis & certa. Nimirum rescriptò Electorali jam tum Anno 1637. editò disertè sancitum, cumulationem dictarum actionum ulterius minimè admittendam esse. Alternativè potius vel ad æstimationem vel ad *παλημδίας* injurià affectus agere, reliqua

reliqua verò iudicis arbitrio submittere debet. Rescriptum vid. apud Carpz. *jurisp. for. p. 4. const. 42. in fin.* Nec minus legalis hæc Sactio deinceps denuò confirmata. In der Erneuerthen und vermehrten Policē-Ordnung lit. 5. §. 5. Cupus verba hæc sunt: Es hat aber das belei- digte Theil wegen einerley injuriën auf dem Wiederruff und æstimation der injuriën / oder eine Geldt Buße / weils beyderley des Klägers privat interesse concerni- ret / und ihme durch den Gerichtlichen Wiederruff al- les / was ihme durch die Schmechung beinommen wer- den wollen / erstattet wird / zugleich nicht zu klagen / son- dern entweder auff eine Geld Buße / so er anders seiner Ehren dardurch gerathen zu seyn / vermeinet / oder auff den Wiederruff die Klage zu richten / das übrige aber wegen der Bestrafung des Richters Willkühr anheim gestellet bleiben zu lassen / wie solches durch Unseres in Gott ruhenden Herrn Vaters und Gevatters Gn. hochlöbl. Gedächtnuß an Schöppenstuhl zu Leipzig den 10. August. Anno 1637. abgelaßenes rescript, welches wir anhero wiederholet haben wollen / allbereit gnug- sam erkläret und erörtert.

XL. Ordinis ratio jam exigit, ut ad objectum a- ctionis nostræ progressum faciam. Locus itaqve huic a- ctioni in injuriis tantum verbalibus assignandus, & exclu- dendæ vicissim injuriæ reales. Quid enim quæso in his recantaret inferens alteri verbera vel vulnera? Hæc enim corpus læsi semel ita affecerunt, ut separari ab eò & separa- ta remitti nequeant. Quod si tamen injuriæ reales actus etiam per se ignominiosos alteriusq; existimationem læ- dentes separatim in se contineant, & tunc actio ad



*νολίας* obtinet: prouti à Facultate Juridicà Lipsienſi Anno  
 1616. ita pronunciatum eſſe teſtatur Matth. Berlich. *p. 4.*  
*concluſ. 62. n. 16.* Viciffim, licet verbis quvis offenſus fuerit,  
 perpetuo tamen actio noſtra locum non invenit. Quid  
 enim ſi fatuoſo libello quvis fuerit offenſus? noſtram certò  
*παινοδία* nunquam ſibi vindicari locum, ex eò, quod de  
 hoc nullibi quid diſpoſitum reperiatur, aſerit Carpz. *juris*  
*for. part. 4. cauſ. 44. deſin. 6.* Quid etiam ſi quvis ver-  
 ba inhoneſta & obſcœna contra aliquem evomuerit, qui-  
 buſtamen fama & exiſtimatio noſtra directò non eſt laſa.  
 Ceſſare *παινοδία* & loco illius male feriatos iſtiusmodi  
 homines ad deprecationem *zu einer Chriſtlichen Abbitte*  
 condemnandos fuiſſe tradit Carpz. *pract. crim. p. 2. q. 96.*  
*in fin.*

**XLI.** Alioquin regulariter actio noſtra in quavis in-  
 jurià verbali obtinet. Hinc qui divitem de paupertate  
 diſſamavit, aut non debitorem quvis debitorem dixerit,  
 pulſari actione noſtra poterit. Multò magis contra eum  
 obtinebit, qui gloriatur, ſe conjugem alterius vel virgi-  
 nem aut viduam carnaliter cognoviſſe. Carpz. *juris*  
*for. p. 4. cauſ. 45. deſ. 1. 2. & 3.* Quid autem ſi delictum ob-  
 jectum veritate nitatur? Tenetur nē & eò caſu obji-  
 ciens ad recantationem? Ita ſentire videtur Jodoc. Damhaud.  
*pract. crim. c. 136. n. 1.* Contrariam tamen ſententiam ve-  
 riorem cenſuerim. Abſurdum enim non immeritò vi-  
 detur, aliquem id, quod verum eſt, revocare, & ea propter  
 mendacii ſeiſpſum arguere debere. Et Saxonicus præpri-  
 mis Legislator tunc demum aliquem ad *παινοδία* conde-  
 mnandum ſancivit, ſi de injurià affecti innocentia conſtet  
*p. 4. conſt. 42. in verb. nach Befindung der Unſchuld.*

E

Quod

Quod si igitur delictum obiectum veritate sit suffultum, de illius certè innocentia apparere nequit Berlich. *p. 4. concl. 62. n. 23. Et seq.*

XLII. Explicato obiecto actionis nostræ ad subiectum illius rectè progredior. Duplex id deprehendo, aliud cui competat actio nostræ, aliud adversus quod eadem intentanda. Illud est injuria læsus verbali, hoc verò lædens vel potius eructans verba injuriosa. Neque igitur quoad injuriantem ulla discrepantia personæ toleranda, modò eadem doli & per consequens injuriæ proferendæ capax censeatur. Ordo itaque & dignitas injuriantem huic minimè subducat judicio. Contra Clericos certè Prosp. Farinac. & qui eum secutus Matth. Berlich. *p. 4. concl. 62. n. 22.* hanc actionem non obtinere asserunt. Rationem autem, quæ illorum innititur sententia nullam ab ipsis video allegatam. Ideò generalitati omnes utique injuriantes ~~non~~ *modicè* subjiçienti tamdiu inhæreo, donec Clericos ab eà exceptos fuerit probatum. Jure Saxonico præprimis res satis decisa videtur in verb. *p. 4. const. 42. daß ein jeglicher wer der auch wäre.* Canonistarum quidem judicium si quis exploraverit diversum fortè à nostrò continget. Adeò equevidem illi iisdem favent, ut nec in atrocissimis quidem delictis Judici Seculari clericum subjiçiant. Vicissim Ecclesiasticus judicium sanguinis exercere, imò interesse tantum eidem prohibetur. Ut proinde meritò de iisdem judicet Dn. Ziegler, in *com. ad Inst. Lancellotti de jud. §. 6.* impune à sanctis patribus committi delicta omnium atrocissima. Quantò magis itaq; laborabunt Canonistæ, ut ex nente Farinacii & Berlichii clericum recantationi injuriæ ab eò prolata subtrahere valerent.

rent. Sed frustra: cum pœnæ non secundum justitiã distributivã sed commutativã irrogandæ. Heinr. Hahn. ad Wesemb. de J. & J. n. 11. in verb. *pœnas merentibus*, pro cuiusq; merito.

XLIII. Non minus de nobilibus, illustribus aliisq; sublimioris honestiorisq; conditionis hominibus disquiritur, an ad *παλινοδία* injuriarum adigi possint? Distinctionis fœdere decidere hanc quæstionem satagunt non nulli. Quod si nobilis ab aliò nobili injuria fuerit insultatus, hunc ad *παλινοδία* condemnari posse concedunt. Eò potissimum moti fundamento, quod privilegiatus contra æquè privilegiatum non utatur privilegio. Hyppolit. de Marfil. *sing. jur. 99. & 681.* Quod si verò plebejus nobilem convitiis aggressus fuerit, secus rem putant comparatam. Fortè quia nobilibus in pœnis infligendis peculiaris vel prærogativa vel securitas relinqvenda videatur. Cui sententiæ ex novissimis suffragium præbet Dn. Christoph. Philipp. Richter *p. 1. decis. 1. v. 134.* Sed enim superius deductum, *παλινοδία* pœnarum classi minimè assignandam, eã potius id intendi, ut restituatur quod ablatum. Nobiles verò non magis rei ablatæ restitutioni se subtrahere possunt, quam illi, qui de plebejo sunt ordine. Et licet ex mente non nullorum maximi subsellii virorum concesserim *παλινοδία* pœnam dicendam, iidem tamen prædicta non subsistit sententia. Saniores eqvidem saniora imbiberunt principia, in pœnis infligendis respectum nobilium ut nobilium minimè attendendum esse. Quantò majori potius quis præeminet dignitate, quantoq; facilius illius exemplo alii ad similia patranda provocari possunt, tanto gravius ille puniend9. *c. 12. ext. de jurej.* Multò ma-

gis equidem juxta rescriptum Theodosii *in l. 8. C. de Episc. & Cleric.* poena digni, quibus plurimum honoris per Imperialem jussionem delatum.

XLIV. Nec minus itidem in jure præprimis Saxónico ad generalitatem verborum, quibus Elector usus, daß ein jeglicher / wer der auch wäre confugerim. Et licet ex superfluo dederim, in eminentiori constitutis dignitate quæ poenas quoque prærogativam quandam concedendam, ea tamen ad eas tantum restringenda, quæ in judicis sitæ arbitrio. Quod si verò de poena uniformiter determinata, ut hic, (dummodo vera esset sententia, *παλινοδίας* poenam esse) quaestio, ea quoque uniformiter Nobili quam plebejo esset imponenda Matth. Berlich. *p. 4. conclus. 62. n. 31. & seq. Carpz. pract. crim. p. 2. q. 96. n. 13.* Interea judex officii sui limites non statim transgreditur, aut multum adeò aberraverit, si intuitu Nobilitatis accedente aliquali causa, *παλινοδίας* in nudam permutaverit deprecationem, prouti sæpius in Scabinatu Lipsiensi pronunciatum testatur Carpz. *d. l.* Alioquin vi superius adductæ generalitatis nec Doctor nec alius sublimiori præditus dignitate à recantatione injuriæ à seipso prolata se liberare poterit. Et ita in supremo Appellationum judicio Anno 1617. J. U. Doctori eam impositam tradit Matth. Berlich. *d. l. n. 19.*

XLV. Quid autem de universitate & communione censendum? poterit ne & ea si injuria alterum fuerit adorta ad *παλινοδίας* faciendam adigi? Utrique; modò omnes de universitate communicato consilio injuriam alicui irrogaverint. Ut enim universitas non secus ac privatus actione injuriarum conveniri potest; ita, quo minus actione



ne nostra compelli possit, ratio diversitatis nondum adparet. Carpz. *jur. p. for. p. 4. const. 42. de fin. 9.* Tantò magis autem vice versa privatus Universitati & communioni ad recantationem tenebitur, quantò gravius dedecus injuriis prolatis huic ab illò illatum videtur. Carpz. *pract. crim. p. 2. q. 96. n. 17. & 18.* Ex dictis itaq; satis constare confido, nullum à *παλινodia* exemptum esse, qui injurias in aliose vomere non duxit dedecori. Interea judicis arbitrio omninò reservatum, ut pro ratione circumstantiarum & qualitate injuriarum injurianti deprecationem eline **Christliche Abbitte oder Erklärung** imponere valeat. Ita quippe diminutio honoris per injuriam & contumeli-  
am contingens per reverentiæ exhibitionem resarciri videtur Georg. Franzk. *exerc. 12. q. 8. n. 6.* Quin imò ea interdum clausula adjici solet: daß er an denen wieder N.N. außgestossenen injurien allenthalben zu viel und unrecht gethan. Qualis tamen deprecatio judicio Carpoz. *pr. crim. p. 2. q. 94. n. 19.* vix ac nè vix quicquam à vera differt recantatione.

XLVI. Cæterum quid si injuria latus ante decesse-  
rit, quam vel actionem instituerit vel etiam institutam  
ad finem perduxerit. Poterunt ne hæredes ipsius nostram  
actionem vel instituere vel institutam continuare? Matth.  
Berlich. *p. 4. concl. 62. n. 25. & sequens.* distingvere videtur:  
an injuria affectus ante vel post litem contestatam mör-  
tuus fuerit? Posteriori actionem nostram ad hæredes acti-  
vè transitoriam esse tacitè asserere videtur; Priori autem  
casu non, variis motus rationibus. Nimirum recantatio  
est jus personale, quod injuria affecti ossibus adhæret. Jura  
autem personalia ad hæredes non esse transitoria aliunde,

satis notum. Et imò cum actio nostra tendat ad famæ vulgi opinione ablata restitutionem, frustra ea instituitur post mortem illius, cui eadem restituenda. Sublato quippe subiecto tolluntur omnia jura eidem inhærentia, & adhærentia. Quibus accedit, quod nostra recantatio injuriarum odiosa & ideò juri scripto incognita & moribus demum inducta sit. Quæ autem illius sint conditionis ad hæredes transire non aſolent.

XLVII. Sed varo posteriori casu res decisa satis cum teste Ulpianò in *l. 28. §. de injur.* injuriarum actio in bonis nostris non computetur antequam litem contestemur. Et ejusdem cenſetur juris, si quis per cavillationem litem contestari recuſaverit. Matth. Berlich. *p. 2. decis. 209.* Carpz. *lib. 3. Respons. 39. n. 21.* De priori vicissim diversum omnino sentio: capròpter eque dẽm actio injuriarum hæredibus injuriâ affecti denegata, quia ea meram sapit vindictam, quam moriens remisisse cenſetur. *l. 2. §. 4. §. de collat. bon. l. fin. C. de revocand. don.* Cum nostrâ autem actione res secus omninò comparata: eam quippe intentans non vindictam sed famæ solum intendit restitutionem. Et licet injuriâ lacescit jam tum demortuus sit; nil minus tamen hæredum interest, vindicari illibatam defuncti famam ab omni, quæ imminet, maculâ. Ne quicquam itaq; hic interesse putaverim, lis à defunctò contestata fuerit nec ne, cum ratio, efficiens actionem injuriarum ante litis contestationem morte injuriati extingvi, in nostrâ actione non obtineat locum. Neq; enim eâ vindictæ quæritur rigor, ut in actione injuriarum, sed illius saltem, quod ablatum ex communi opinione, restitutio.

XLVIII. Ulterius non obest, actionem nostram odiosam & ideo minimè ad hæredes transitoriam, esse. Equidem actiones furti, vis bonorum raptorum, damni injuriæ, non minus sunt odiosæ; eò tamen non obstante, hæredibus eadem non denegantur §.1. *Inst. de perp. & temp. act.* Sed verò quid de hæredibus injuriantis censendum? Indiscriminatim sive lis à defuncto contestata sit nec nò, actionem nostram adversus hæredes injuriantis non competere dixerim. Revocatio equidem injuriæ personalissimum quid esse videtur, & ideo ad hæredes minimè transitorium Carpz. *juris for. p. 4. const. 42. def. 13. & lib. 3. Respons. 39.* Christoph. Philipp. Richter *p. 1. decis. 55. n. 22.* Utur huic aliam & diversam plane mentem affingere voluerit Amad. Eckolt. *Comp. 7. de injur. §. 25.* Ex deductis hucusque factis apparere puto, nullum injurias evomere non veritum à recantatione illius regulariter exemptum esse. Et quidem præstanda ea ipsa in propria persona, nec Procurator admittendus Matth. Berlich. *pract. conclus. p. 4. conclus. 62. n. 34.*

XLIX. Quid verò si quis generali huic juris dispositioni se submittere & revocare injurias cructatas detrectaverit? Vindicandum certè sanctum Magistratus officium ab omni, quam contumaces eidem minantur, injuria. Omnibus equidem Magistratibus disserit Ulpianus in *l. unie. 7. si quis ius dic. non obeemp.* secundum jus potestatis suæ concessum est jurisdictionem suam defendere pœnali iudicio. De modò saltem hic disqvirendum, quò ad debitum recantare injuriam reluctans adigi possit obsequium. Itaq; si præsens fuerit injurians & nihilominus injuriam revocare nolit, non denegarum Magistratui ea ad partes vocare

carere remedia, quæ ipsi pro ratione circumstantiarum ad  
coercendam injuriantis contumaciam sufficientia possint  
videri. Et si lenioribus ad meliorem non possit reduci  
frugem, acerbiora advocanda, seu tamdiu exasperan-  
da, quamdiu eam, quam induit, non exuerit - pertinaci-  
am. Adeo, ut si nec carceris nec pecuniaria pœna se di-  
versis occupari cogitationibus patiatur, iis tandem sit pri-  
vandus, quæ ipsi quædamtenus naturæ vim quandam in-  
ferre videntur.

L. Scilicet detinendus non solum carcere ulterio-  
ri, sed & pane atque aqua citandus, donec in totum sententiæ  
super ipsius contumaciâ lætæ faciat satis. Et imò, si Judi-  
di de supinâ injuriantis pertinaciâ liquidò constet, contum-  
sum ipsi omninò *παλινοδία* sub comminatione relegatio-  
nis sive perpetuæ sive temporalis seu etiam recantationis à  
licto facienda in sententiâ eidem imponere. Quod si  
verò nec hæc ratione ad obtemperandum iudicii aucto-  
ritati compelli possit, Licitor tandem actu ipso ad seiscendos,  
qui nomine contumacis & nefarii hominis, præsentis &  
audiente eò recantet, quæ ipse in dedecus alterius cantare  
non duxit dedecori. Quid autem si absens sit is, cui  
*παλινοδία* imposita, nec copiam sui facere velit? Sub pœnâ  
pecuniaria primitus citandus, & recitandum eâ ratione, an  
morem gesturus sit? Quid verò si & hæc contumtui expo-  
sita comparere detrectet? Ad pœnam banni Judicem de-  
venire posse putat Matth. Berlich. *p. 4. conclus. 42 m. 40.* Sed  
enim ab eò recedit Benedictus Carpz. *præf. crim. p. 2. p. 94. de fin. 28.* Alterum itaque & unicum, quod ipsemet Berlich.  
suggerit, restat remedium. Affigenda nimirum senten-  
tia, in quâ *παλινοδία* injurianti injuncta in locò non solum  
judicii



judicii, sed & injuriæ commissæ, ac ubi Reus degere assol-  
let. Dum enim eò ipsò satis innotescit, injuriantem ad  
*παλινodiaς* condemnatum esse, fama & existimatio, quæ læ-  
sa injuriis videbatur, restituta omnino in pristinum perhi-  
betur statum.

LI. De cæterò, utut regulariter omnes in univer-  
sum *παλινodiaς* obnoxii; adsunt tamen cautelæ, quibus in-  
jurians eandem evitare potest. Quid enim si ipse proba-  
tam dederit suam innocentiam, & quod citra affectum in-  
juriandi verba protulerit? Immunis omnino à *παλινodiaς* æ-  
quæ præstatione ac aliis, quorum condemnationi alioquin  
fuisset subjiciendus arg. l. 5. C. de injur. Neque tamen hic  
exactæ desiderantur probationes, sed aliquales conjecturæ  
& præsumptiones etiam sufficiunt. Ad eò, ut juramentum  
purgatorium aliquando super istiusmodi facto injuriosa  
verba proferenti imponi soleat. And. Gail. *obs. cam. lib. 2.*  
*obs. 106.* Matth. Berlich. *conclus. pract. p. 4. conclus. 60. n. 13.* &  
ab eò allegati. Ea equidem qualitas cum in animò con-  
sistat, vix commodius probari poterit, quam mediante  
juramento. Dummodo adsint pro injuriante præsum-  
ptiones quædam ab amicitia forte vel consanguinitate pe-  
titz. Alioquin quivis dicere posset, se animum injuri-  
andi non habuisse, si eà ratione actioni nostræ & injuria-  
rum se subtrahere valeret Carpz. *pract. crim. p. 2. q. 97. n. 7.*  
*l. 5. seq. & in jurispr. for. p. 4. const. 42. defin. 9.*

LII. Deinceps recantationem injuriarum injuri-  
ans evitare poterit tempestiva declaratione. Quod si e-  
nim coram iudice in locò judicii publicè fateatur, se verba  
prolata non animò injuriandi, sed irà fortè vel alia causa  
inductum protulisse, seq; ab Actore nil, nisi quod bono

viro convenire videtur, commissum scire. Qvò casu  
iudex παλινοδία in nudam declarationem potest permuta-  
re, & actor etiam nolens eā declaratione contentus esse  
cogitur. Cum enim iudex iussu motus causa ex officio  
παλινοδία in nudam permutare valeret declarationem,  
quantò magis, si Reus ad eam praestandam se sponte offe-  
rat, id facere poterit. Necesse tamen, ut injuriæ prolata  
leves saltem sint & minoris momenti, in quibus com-  
ponendis sine longiori iudicii strepitu iudicem proce-  
dere oportet. Qvò si verò atrociores eadem fuerint,  
& iisdem lacescit processum prosequi velit, Reus non  
facile nudà ac simplici declaratione absolvendus. Carpz.  
*pract. crim. p. 2 q. 92. n. 16.*

LIII. Ulterius necesse, ut injurians illam declara-  
tionem ante litis contestationem in praesentia iudicis & A-  
ctoris expediat. Eò enim tempore cum nondum constet,  
an injuriam sit confessus, an verò negaturus, ideò nec  
dici poterit, eidem jus aliquod esse quassitum, qvòd per  
nudam ipsi auferri videretur declarationem. Satis igitur  
superq; eò casu consultum videtur injuriā affecto per nu-  
dam declarationē. Secus autem res est comparata, si lis an-  
te oblatam declarationem fuerit contestata; ita quippe in-  
juriā affecto jus perfectè est quassitum, qvòd uti eidem in-  
vito minime auferri potest, sic ipsi, qvò minus ad conde-  
mnationem usq; in eā procedat causa, denegari neqvit.  
Carpz. *jurisp. for. p. 4. const. 42. de fin. 11.* Tandem ad παλινοδία  
cum effectu, compelli non potest injurians, si injuriatus im-  
poni retorsionis remedio fuerit usus. Dum equidem hic  
ipse propria auctoritate sibi mederi & injurias remittere  
fatis duxerit, supervacua videtur actio ad recantationem  
injuriarum in eum jam tum remissarum, à qvò eadem  
antea emissæ, tendens.

LIV. Nec

LIV. Nec minus de duratione nostræ actionis dis-  
quiri posset, an non in eâ quoq; injuriæ interdum le-  
vamen aliquod atqve subsidium quærere possit? Herman:  
Vultej. *com. ad Inst. §. 7. de injur. n. 8.* nostram etiam actio-  
nem anno terminari autumat. Et ideo juxta eam sen-  
tentiam injuriæ præterlapso annali spatio agentem ad  
*παλινοδία* repellere omninò potest. Vicissim Matth. Ber-  
lich. *conclus. pract. p. 4. conclus. 62.* eam adeò brevi spatio  
non includit, perpetuam potius & 30. tantum annis ean-  
dem præscribi aaserit. Mihi quædantenus plausibilior vi-  
detur Vultejii sententia. Cum enim ipsæ injuriæ verbales  
annali tollantur præscriptione, frustra quæri videtur de a-  
ctionis istius duratione, quæ ad illarum tendit revocatio-  
nem. Causa enim juxta vulgatum illud Sophorum sub-  
lata & effectum tolli necesse est. *c. 60. ext. de Appell.* Acce-  
dit insuper, quod odiosa in dubiò magis sint restringenda  
quam amplianda. Nostra autem actio respectu injurian-  
tis odiosa latis est, cum revocare ea, quæ improbè prolata,  
compellatur injuriæ. Et hinc post tempus annale nec  
retorsionem admitti, nec judicem quoq; propriò motu ad-  
versus injuriantem procedere posse aaserunt DD. Carpz.  
*pract. crim. p. 1. q. 97. n. 58.*

LV. Restat, ut de effectu actionis nostræ & fine  
pauca subijciam. Consistit is in eâ potissimum, ut injurias  
evomens mendacii se arguar, & famam, quantum in suis  
situm positumq; erat viribus, famam actori restituat. An-  
autem actione nostra ad *παλινοδία* condemnatus infami-  
am incurrat, altioris videtur indaginis quæstio esse. Hiero-  
nym. Treutl. *vol. 2. disp. 30. 1b. fin. lit. D.* Joach. Schnob. *disp.*  
*Digest. 24. 1b. 10.* & Dn. Christoph. Philipp. Richter *p. 1. de-*  
*cif.*

*dis. l. n. 134.* affirmativam defendunt. Sed enim contrariam sententiam veriore censuerim. Neque enim ea tendit ad vindictam, sed, ut non unâ dictum vice, ad famæ, quæ ablata videtur, persecutionem. Uti igitur nulla condictio ex famosis etiani orta causis infamæ maculam inurit *l. 36. de O. & A.* ita nec nostra actione condemnatus eâ afficietur. Cui insuper accedit, quod nostra actio iuri civili incognita & moribus demum introducta sit; in quibus pro famosa nulli iudicatur. *Carpz. pract. crim. p. 2 q. 94. n. 65. Eckold. comp. n. tract. ad tit. de injur. §. 27.* Nec obest, quod in nonnullis locis, utpote Hamburgi recantatio in ligno ignominiosè aufferem Chrosen Blocken fieri debeat. Ideo videm extrinsecus advenit & naturam atq; effectum actionis nostræ rei persecutoriæ minimè variat. *Heinr. Hahn ad Wesenb. de iur. n. 18. vid. & Anton. Peretz. pract. ad C. tit. de injur. n. 21.*

LVI. Sedenim id non diffiteor, minus honorificum esse, aliquem eam quæ ante protulit, revocare & seipsum quasi mendacii accusare debere. Ut proinde famam istiusmodi hominis apud honestos & graves viros notæ alicui exponi facili dederim. Et eò forte referri possunt verba ante allegati rescripti Electoralis de anno 1637. nicht ohne Verkleinerung des wiederruffenden Theils. Ad evitandam itaque hanc notam nonnunquam sententiis clausula illa honoris reservatoria inseri solet; Dasi belaster Seldern einen öffentlichen Wiederruff vor Gericht; jedoch seiner Ehren unbeschadet / zu thun schuldig. *Andr. Gail. obs. pract. lib. 1. obs. 65. n. 6. Eckolt. compend. pand. tract. de injur. §. 27.*

TANTUM.

SOLI DEO GLORIA!

